



Die Eekhorning

Nuusbrief vir die Vriende van die Argief

Lees binne

Andrew Murray	1
URCSA	
Erfenismaand	2
Vrystaat	
Restourasie	
STA-vergadering	3
Die Argief in 'n neutedop	4
Navrae	5
Argiefopleiding	
GGSA	6
Sendingfotoprojek	7
Kersfees	
Hugenote	8

Die Eekhorning

- Stellenbosch is bekend vir sy eekhorings.
- Hulle versamel, stoor en versprei kos.
- Net so is die Argief: Ons versamel argivalia, ons stoor dit onder ideale omstandighede, ons soek voortdurend na iets nuuts en herontdek die oue, maar ons deel ook graag met ander.
- Vandaar die naam van ons Nuusbrief.

Andrew Murray-privaatversameling - 'n besondere nalatenskap word ontsluit!

Hoe ken ons Andrew Murray? - 'n Mens ken 'n man aan sy woorde.

“Heel dikwels raak ons hande stil – deur die swart-geinkte woorde op soms brose velle papier, raak ons bewus van die aanraking van die Heilige Gees” — Isabel Murray



Onuitgesorteerde houer propvol notas

In 2020 vier die Murray-familie die 200-jarige aankoms van hul stamvader na Suid-Afrika. 'n Hernude fokus op die nalatenskap van die Murray-familie, 'n beplande konferensie, nuwe studies wat onderneem word en ook om besoekers aan die Andrew Murray Sentrum vir Spiritualiteit toegang te gee tot die

besondere nalatenskap van Andrew Murray en sy nasate, is besluit om te begin met die fyner ontsluiting van die Andrew Murray-privaatversameling.



Pascal Pienaar behoem manuskripte

Persoonlike briewe, aantekeninge, dagboekinskrywings, handgeskrewe manuskripte, preeknotas, toesprake en bladsye vol “mymeringe” is in die proses om fyner ontsluit te word. Vir hierdie projek is eksterne befondsing bekom en is daar 'n span aangestel om die taak te verrig. Onder leiding van

Dr Isabel Murray help Chrisna van der Merwe en Pascal Pienaar om orde te bring in hierdie waardevolle versameling. Die doelwit is om dit af te handel voor die opening van die Sentrum in Februarie 2019.



Chrisna v.d. Merwe ontsyfer preeknotas

URCSA AND THE ARCHIVES

A delegation of the General Synod of URCSA recently paid a visit to the Church Archives in order to discuss cooperation and the possibility to move their archival material to the Church Archives in Stellenbosch. This was a fruitful meeting and the attendees were also taken on a short tour of the facilities. In the picture

below, they are looking at the Belhar Confession. The result of this meeting was that Mrs Karen Minnaar of the Archives was invited to address the meeting of the General Synodical Commission of URCSA on Friday 10 October 2018 in Windhoek, Namibia. Mrs Minnaar was also given the opportunity to have a small exhibition of typical

archival material. Positive interest in the work of the Archives and future cooperation were expressed by the delegates. The personnel at the Archives are looking forward to being of service to URCSA.



Karen Minnaar het tydens haar besoek aan Namibië ook besoek gebring aan die NG Kerk Argief in Namibië, wat by die Staatsargief gehuis word. Sy is daar hartlik ontvang deur ds Clem Marais.

Photo from left to right: Elder D Brown, Rev MG Betha, Prof C Landman and Rev DP Carelse.

ERFENISMAAND

Elke kwartaal bied die Argief 'n lesing aan om die argivalia beter bekend te stel. Vir Erfenismaand het die fokus geval op Prof Johannes du Plessis. Hierdie praatjie is ook weer herhaal tydens die Kweekskool se verjaarsdagvieringe in November.

By beide geleenthede was daar uitstallings in die Foyer van die Kapel gehou waar interessante argivalia uitgestal is. Studente kon ook aantrek soos die ou professore en 'n paar "selfies" neem.



Vrystaatse kollegas deel welwillendheid in Kaap



In September was dit 'n lekker voorreg om vier kollegas van die Vrystaatse sinode op Stellenbosch te verwelkom. Hulle het 'n besoek by ons Kerkargief afgelê, met die amptenare oor die pensioenfonds gesels en ook 'n sessie oor die kerk se databasis ingepas. Op die bostaande foto is Johan Coertzen, Tertius Botha, Leon Foot en Adri- aan de Ruiter in die Kerkargief.



Argiefpersoneel leer boeke restoureer

Argiefpersoneel het onlangs 'n kursus bygewoon oor die restourasie van ou boeke en die herstel van ou papier. Hierdie was 'n handige kursus wat met vrug gebruik kan word vir die bewaring van ons argivalia.




Argieftaakspan byeen

Die Sinodale Taakspan Argief het op 29 Oktober 2018 op Stellenbosch vergader. Die doel van die taakspan is om om te sien na die werksaamhede van die Kerkargief. Tydens die vergadering is veral aandag gegee aan die onderskeie projekte waarmee die argief besig is. Hieronder is die verdere ontsluiting van die Andrew Murray-privaatversameling, die digitisering van die foto's uit die sendingvelde en die opteken van gemeentegeskiedenis en gepaardgaande foto's van kerkgeboue en predikante. Aandag is ook veral geskenk aan 'n insamelingsbeleid vir die Kerkargief.

Op die **foto links** is v.l.n.r. Bossie Minnaar (saakgelastigde), Andrew Kok (bestuurder van die Kerkargief), Albé Theunissen (voorsitter), Retief Müller en Johan de Villiers, taakspanlede. Martin Steyn, die ander lid van die taakspan, was afwesig.

Die Argief in 'n neutedop

 <p>5.2</p>	 <p>3.5</p>	 <p>1365</p>	 <p>3500+</p>
<p>Totale lengte van beskikbare rakke in die Argief in kilometers</p>	<p>Hoeveel rakke in kilometers gevul met argivalia</p>	<p>Hoeveelheid Gedenkboeke in Argief</p>	<p>Hoeveelheid boeke in Argief</p>
 <p>11000+</p>	 <p>382</p>	 <p>237</p>	 <p>30000+</p>
<p>Hoeveelheid foto's in die Argief</p>	<p>Die hoeveelheid gemeentes waarvan registerafskrifte ontvang is die afgelope jaar</p>	<p>Hoeveelheid besoekers aan Leeskamer afgelope jaar</p>	<p>Hoeveelheid argief-boksies wat gebruik word</p>

Clare Brown from Theology and Religious Studies at the University of Glasgow, Scotland uses the glass lantern collection as case study for missionary visual culture.

From the Department of Art History, University of Delaware in the USA, prof Ikem Okoye did research on Architecture of churches and buildings at Mission stations.

Inligting oor Duitse stamvaders in Suid-Afrika en die verhouding tussen die Lutherse Kerk en die NGK in die VOC-tydperk was die navorsingsonderwerp van Olga Witmer van Nederland.

Interessante navrae van oor die hele wêreld



Morton Mashoma from Zimbabwe did research on the Evangelists in Mashonaland.

Prof. Marco Piccolino, National Institute of Neurosciences at the University of Ferrara requested information on Marian Lydia Shorey of the Huguenot College.

Die Sinode van die Reformed Church of Central Africa versoek inligting oor die oordrag van grond van die Chintembwe-sendingstasie.

Malte Stollewerk of the United Evangelical Mission (UEM) in Wuppertal, Germany was doing research on the Rhenish Mission Society and how their work was handed over to the DRMC and the Moravian

Ring van Wynberg opgelei oor hantering van argivalia

Op 18 Julie het Collette de Wet, argiefbeampte, opleiding in algemene kerkkantoorwerk ten opsigte van argivalia aangebied aan skribas van die Ring van Wynberg. Dit is gedoen in opvolging van soortgelyke geleenthede wat al by ander Ringe plaasgevind het. Die voortvloeisel hieruit is dat Collette in 2019 op twee geleenthede sulke opleidingsessies by Communitas gaan aanbied. Hou gerus die brosjure dop vir meer inligting. Die goeie nuus is ook dat Ringskribas wat die kursus gaan bywoon VBO-punte kan verdien.



Op die foto is v.l.n.r. Ida Williams (verversings), Corné Voss (NG Vishoek), Elsa Carstens (NG Plumstead), Koos Venter (NG Rondebosch), Ester Freeman (NG Rondebosch), Alet Viljoen (HoutbaaiGemeente) en voor Collette de Wet van die Argief.

GGSA verstewig bande met Kerkargief

Die werk van ons Kerkargief sluit op 'n besondere manier aan by dié van die Genealogiese Genootskap van SA (GGSA). 'n Toergroep van die GGSA het ons argief op 15 Augustus besoek en waardevolle bande is so versterk. Die GGSA onderneem jaarliks 'n Argiewetoer en hulle besoek dan die Wes-Kaapse Argief, GISA, die Hugenate Museum, die Drakensteinse Heemkring en vanjaar 'n eerste keer ook die Kerkargief.



Op die foto is v.l.n.r. Christine Schwarz (Kleinmond, eGGSA), Andrew Kok (bestuurder: NG Kerk in SA Argief), Lyn Ploos van Amstel (Durban, eGGSA), Ellen Harmse (Kemptonpark), Ludwig Döhne (Centurion) en Johanna Viljoen (Bronkhorstspuit)

Sendingfotoprojek

Soos vroeër berig is, is daar vanjaar begin met die digitisering van die fotoversamelings uit die Sendingvelde. Die projek staan onder leiding van Dr Isabel

Murray en dit is behartig deur twee studente-assistente, Marizanne Pfeil en Murray Agenbag. Befondsing vir hierdie projek is ontvang van Dr Keith Meintjes van die VSA.

Die primêre fokus van die projek was om soveel as moontlik foto's te digitiseer en te katalogiseer ten einde dit beskikbaar te maak vir navorsers.

Daar is begin deur die versameling te orden volgens

land en sendingstasie.

Daarna het die proses begin om die talle foto's elk van 'n unieke nommer te voorsien en beskikbare da-



V.l.n.r.: Jannie en Joretha de Bruin; Kobus en Ryna van Schalkwyk; en Dawid en Annemarie Conradie

ta aan te teken.

Aangesien baie van die foto's nie geïdentifiseer was nie, is daar deur die Vriende van die Argief begin met 'n projek waar oud-sendelinge op 'n maandelikse basis genooi

was om te kom help met identifikasie. In die vorige uitgawe is daarvoor berig. In die afgelope ses maande het daar ook 'n span van die Makatini vlakte kom

help (sien foto links). Waar moontlik is die storie agter die foto ook opgeteken.

Die laaste deel van die projek was om die foto's fisies te versorg en elke foto is op suurvrye papier gemonteer en in suurvrye sakkies

geplaas.

Tot op datum is daar 22 groot foto's en 630 kleiner foto's geïdentifiseer en gekatalogiseer. 125 Etiket is gemaak en dit is in 50 gemerkte houers geplaas.

NG Kerk in SA Argief

Posbus 34
Stellenbosch
7599

Noordwal-Wes 1
Stellenbosch

Telefoon: 021 882 9923
E-pos: argief@kaapkerk.co.za
Web: <https://www.kerkargief.co.za>



GESEËNDE KERSFEES


Die personeel van die NG Kerk Argief op Stellenbosch wens graag al sy vriende en ondersteuners 'n geseënde Kersfees toe. Mag julle hierdie feestyd as 'n ware Christusfees ervaar.

Regs is 'n Kerstoneel wat in die Koningsbode van 1923 verskyn het.



Herdenking van die aankoms van die Hugenote

Soos vroeër genoem is dit die voorneme van die Argief om elke kwartaal iets aan te bied ten einde die versameling van die Argief beter bekend te stel. Die vierde kwartaal se aanbieding was in samewerking met die



Genealogiese Genootskap en die fokus was op die 330ste herdenking van die aankoms van die Hugenote aan die Kaap.

Dr Andrew Kok het 'n praatjie aangebied oor die du Plessis-familie in Suid-Afrika. In

die foyer was daar ook 'n uitstalling van Hugenote argivalia wat in die Argief bewaar word. Een van die besondere items is die beryming van die Psalms deur ds Pierre Simond.



Verder was daar ook 'n verskeidenheid van ou handgeskrewe familieboeke en ander interessante preekbundels en foto's.

